



竹溪鬳齋十一藁續集卷十五

三山

林希逸著

門人石塘

林式之編

四六

賀江左相

上宰登庸明廷宣布今王立政宅俊而灼有三良弼輔
台作相而置諸左朝紳喜而舉芻國勢定于覆孟竊以
盛時所貴者多賢秦秦階莫齊于齊色昔惟元祐尊申
國而呂范並除亦若成周内畢公而周召分治是所謂

鬳齋續集

一

十五卷

鼎承君之象于以成鰲立極之功於赫前聞復見今日
恭惟某官氣稟兩間之浩文為百世之宗早似獲麟當
世謂異人之間出晚如翔鳳舉朝望大老之來歸蓋方
行言行道之時已有汝翼汝為之託先帝既登崇于兩
社嗣皇遂圖任于初元其居休休以有容其進綽綽而
餘裕賦靈光之在魯譽望獨隆歌缺斧之居東優游三
及茲廷告式副巖瞻同德同心上曰甘盤之舊學知兵
知國虜云江左之偉人翕然四海之皈依重矣一身之
負荷和協于虞者臯夔之大德交懽于漢者平勃之良
規推車何取如爭作揖但期共濟乾坤之闔闢有運人
物之會合以時三賢謀而成太平之階自今以始千歲
壽而計中書之考無疆惟休某喜際熙明迹慙衰遁昔
忝相門之下士今為耕野之遺民既分守于黃冠徒企
瞻于紫漢公來西洛想千人環馬以聚觀僕老香山雖
一翁自漁而亦樂

賀馬右相

播告辨朝登庸真宰賚商者帝思舊學之甘盤昨宋惟
天相中國之司馬歡騰海岳聲震華戎竊以聖時所貴

者多賢泰階莫難于齊色昔惟元祐尊中國而呂范並
除亦若蒼姬內畢公而周公分治是所謂鼎承君之象
于以成鰲立極之功於赫前聞復見今日恭惟某官稟
德金明而玉粹蓄學地負而海涵方鱗舞狐號圮立南
都之壁及鳳翔麟出獨鳴正始之音清名下視于嚴徐
精思上凌于燕許雖前輩老文學之士各避一頭凡中
朝大典冊之文更無兩手先帝已深于簡注嗣皇宜亟
于延登蓋煩公調護之時即咨汝弼承之意方歌几几
俄賦樂樂九重欽竚者三年四海歡欣於再入貴居廊

廟澹若癯儒名塞乾坤歛然盡下同堂選吏何嘗有范
老之勾當世名流孰不入裴公之疏士聞風而自奮物
蒙潤以不知屬當揆席之久虛預叩前旒而苦遜暨汝
其濟曰有合哉二人非我有私亦惟佑于一德明良胥
會氣運有開三賢謀而成太平之階自今以始千歲壽
而計中書之考無疆惟休某時際熙明格當閑退雖愧
田中之老亦為門下之人慶世道以激昂企台垣而鼓
舞千官百辟之選信永叔之知言一翁六士之詩笑樂
天之癡語

甲子回生日啓

後村

公為翰長先携寶篋而歸僕守祠官豈憶錦袍之舊同
嗟流落曲念衰殘恭惟某官履上星辰筆驚風雨身懷
碧水丹山之綬意守清泉白石之盟六學士五相一翁
公無不可九尚書四登兩地人謂宜然方將慷慨以縣
車乃為交游而度曲某淒其寂寂愧此拳拳歌寡和之
陽春喜而拍手問疑年之甲子數又從頭

新漳州劉通判強甫

棹歌九曲喜得缺之便家弧射四方愧衰年之遁世客
誰來只公獨念之伏惟某官家富經籛翁傳心印岸司
馬之憤了不介懷學伯魚之詩自知得髓未忘舊雨為
賦陽春某續前哲歸去來之詞見幾差晚誦可人好事
近之作回向固宜帥爾稟訓幸甚怒亮

余制參師魯

棹歌九曲喜得缺之便家弧射四方愧逃讒而遁世客
誰來只公獨念之藹然舊雨之情責以華星之字盛儀
侈錫寒舍增輝參紅蕖幕府之謀竚迎朱紱訪浣花草

虜齋續集

四

十五卷

堂之隱亦有青芻謝擬面言幸祈體答

乙丑

福清陳簿德亮

散人賜號尋棹歌九曲之游老景逃讒負弧射四方之志寂寂正慙于羅雀拳拳獨荷于棲鸞伏惟某官屈意勾朱潛心拾紫蜚聲雁序著鞭始遜于少公造榜龍飛唾手即收于高第以毫端之游戲為門左之輝華七十年之過三自知衰退五百名之第一尚覩扶搖亟瀝謝言幸祈孚亮

丙寅回生日啓

後村劉尚書

生男子而縣六矢老慙戴氏之格言寄祿官而呼大蓬年比陸翁而自謂豈伊衰槁猶足品題汗顏錦卷之貽鏤膽荷囊之賜此蓋某官以真法從為太宗師先皇看坡老之文每聞停筋外國愛樂天之集不吝捐金未忘撰履之徒曲借濡毫之潤某雖有附青雲之喜愧雖酬白雲之高況內學之命南音之辭僕悔晚矣若上殿之扶北面之拜公願先之

新漳州劉通判

凋年急景誰憐退士之窮每歲茲辰長拜可人之賜陽
春腔妙初度輝生恭惟某官義山之鳳絕清士元之驥
方展謂翁吾翁愛友久矣親之然子曾子何人擬之過
矣以郢人寡和之曲賡先生自壽之詞愧不得當辭則
何敢對常娥十九分得七之度有慙攀桂之天高誦放
翁七十年又四之詩敢道大蓬之階似衆方鄙請君獨
品題率控謝言幸希字亮子曾子之父忠詞中語

陳公益

年比香山之白自信非倫詞工雙井之黃雅知造妙華
其初度惠以新腔具羅列品之嘉昭仞高情之篤此蓋
某人胸藏遠趣筆有餘功義尤重于交游情不分於涼
燠擇所宜而下拜感此意以彌襟執爨了頭豈堪歌于
白雪揮毫义手願即躡于青雲

福清薛知縣

夢桂

老處士橫江潭而漁伊誰訪問邑大夫為河東之鳳於
我勤渠度雅調以入琴華久塵之縣矢恭惟某官隱萬
入海負一世豪為玉融金翅而來實迂俊武得錦瑟朱

絃之妙雅有餘功歌此陽春榮其初度某思昔人風推
戶之句幾誤攬衣歌令尹月當廷之詞不妨擊缶

先許見訪

興化蕭教授

小山桂隱誰為歲晏之華半水芹香獨惠陽春之曲捧
提錦卷拂拭蓬弧伏惟某官奏賦名高橫經譽籍四海
傳千巖之集允謂世家諸生誦三舍之文見稱哲匠義
存維梓喜動衡茅某忽得新腔頓回老色獨尋南鄰愛
酒之伴擊缶歌之何必東山携妓之游衙五樂甚

新劔浦鄭主簿

僕守五窮已愧老夫之耄君名三絕肯貽幼婦之詞把
翫箋題拂拭弧矢伏惟某官學參諸老才壓羣英身為
鸞棘之棲方將奮翮念及漁樵之叟不厭低眉雙緘之
華三舍其遠某思候迎之一失有欠負之百慙敢意英
流未忘遁跡暮齒九老圖之白才則歎焉新腔太史氏
之黃髮之過矣

劉達卿惠詞用後村韻

老守釣竿方枕石漱流而隱使持錦字自朋霞友月而
來知吾故人記僕初度伏惟某人經明古意文謝時粧

蔚有擅場之聲早作買山之計世無具眼頓成方叔之
迷我有遐心不待孔賓之呼謂宜遺俗尚未忘情一門
阿大中郎詞無和者三徑歡迎稚子樂與歌之

朋霞友月劉
別業之名

福清陳主簿

老甘漁隱是謂世之陳人賢有棲鸞猶念邑之奇客華
其初度惠以新腔伏惟某官名早占于鄉書夢曾吞于
古易尚携銀案必取青氈王楊盧駱之才暫為祿仕荀
賈良平之作行振家聲以勾朱之餘功為垂白而加賜
陽春白雪莫爾絕妙之詞通明紅雲但祝方來之慶

乃祖

省魁荀賈良平之亞論傳

三文書堂方巖尹令嗣亦有詩

僕還四方之事世謂陳人君為三文而來時有此客華
其弧矢惠以珠璣伏惟某人簪裳世襲于芸香橋梓名
聯于桂籍八叉手之賦如乘如臯一撫髭之吟有閑有
甫何意老漁樵之士得交賢父子之間百賦千詩未有
榮于此者兩采一賽所期恕而亮之因書緒言為僕多
謝令嗣狀元更不別狀

石塘林子真

虞齋續集

八

十五卷

漢陰大人之居紛其羅雀文隱先生之子譽以紱麟拍手自歌汗顏滋甚伏惟某人希蹤魏野拍肩洪崖屏按上之楞伽占筆端而遊戲味少林之髓久矣杜門絃清廟之音時乎應世鏗鈞五字黼黻一寒棘句鈞章是乃兄之餘事金春玉應尤愧僕之非長

石塘林子常付珠林氏堂名

懸弧之六生男子老愧前聞付珠之二如少公寵貽佳什錦箋入手茅舍增輝伏惟某人粲然有文淵乎似道夜雨對床之樂慕尚昔人青雲得路之誇鄙夷俗客獨

有溪干之叟是為方外之交三萬之日無多常恐茶山老矣七十之年又四乃為放翁歌之

新潮州林通判

一男子之妾有愧蒙弧半刺史之賢特貽珠玉知心有此拍手歌之伏惟某官既吟煙雨以拂衣猶分風月而懷綬以數莖吟一字之手豈輕予人謂七十又四年之翁獨為愛友每加黼黻欲賁蓬茅某感歲暮之交情豈容錦卷愧陽春之寡和徒負金春

同安林丞

老慙初度坐挹五窮我有故人書馳一介絃此宮商之
妙瑟兮弧矢之華伏惟某官筆掃煙雲胸藏冰露於藍
田公事之暇不廢哦吟以茶山衲子之貧特相煖熱眷
懷許篤歸興何濃謂官情已薄于秋光而交誼不忘于
舊兩年相若也素為二仲之鄰吾有待耶擬尋九老之
謂

劉士仰

昨承華染承惠佳詞特為弧矢之華足仞金石之誼凋
年急景固慙斗牛之北辰西舍東鄰豈無湜籍之畔去
多情若此一感可知

新汀州黃教授

一辭而退臣之厚也廿日守于五窮十年之長兄以事
之慕風流之二老字比蠅頭而更細詩吟鶴膝以尤工
華此衰齡奇哉異稟伏惟某官浩然善養察乎有文經
師人師衆方求于指授形散神散獨自樂于逍遙同為
扶杖之翁尚記垂弧之日堪傳佳話曷稱高情放翁七
十四年之詩歌而自慶廣成千二百歲之壽還以相期

劉智翁小令嗣亦有詩

老愧蓬弧方學漁翁之獨釣君携錦卷且聞驥子之誦
詩舊雨高情陽春寡和聊供茅齋之湯餅共披薤葉之
琳琅君家兄弟不可當誰肯雲龍之相逐帝鄉富貴非
吾願但于猿鶴以申盟

鄭進士

人生貴是男老負蓬弧之志常時有此客久尋燈火之
盟愁破今朝歌貽白雪奉槐淘而淺酌擊瓦缶以共歌
六字語一字難愧莫爾于錦製去年人今年老且同醉
於花枝

心游劉躔甫

老吾之老誰此日之肯來詩人之詩後數朝而猶至情
知好我愧曷酬君伏惟某人超然心游久矣神悟鄙夷
場屋恥為俗下之文笑傲煙霞真得吟中之趣貽半山
之絕句問少陵之殘年與兒歌之徒有嘆辛薤之妙去
人遠矣何由致湯餅之招

僧賀生日二首

門前問今朝之客能來者誰山中無曆日之人未忘此
老掃除蔬笋演說蓬弧伏惟某僧了為僧心具論詩眼

唱誰家曲從來自立宗風作牧護歌所得無非法要不
嫌湯餅併為說貫花禪是九世臨濟孫雖論文章而何害
添一日寒山子且聽鐘鼓以共飲

山中無曆日誰傳直斗之辰石上舊精魂雅有吟風之
興得無生忍頌不壞身伏惟某僧說洞山文字禪作無
本推敲勢竹間松下之思時出偶然句後聲前之機不
言樂只悟三身之現化演六矢之因緣祖師直指單傳
何方游戲父母未生一句便請證明

丁卯回生日啓

劉後村

老尋溪友方散髮以弄舟公念門人為倚聲而度曲馳
來錦卷增賁蓬弧共惟某官履上星辰手挾河漢了三
麻九制之作笑把壺公殿兩朝諸老而留壽同柱史暫
葆光明于晝眼不妨游戲于文心口占佳詞意憐孤蹟
以通神之要妙俾對客以誇張白雪和難虛辱最高樓
之賜紅雲侍立但祈通明殿之歸

新漳州劉通判

浯溪聲叟老將至而不知斜川小坡交雖久而益敬華

膚齋續集

十二

十五卷

其蓬矢惠以色絲伏惟某官未駕題輿獨耽戲綵書無
不讀但資以為詩簫豈必吹乃倚之度曲唾成珠玉義
篤金蘭欲令款乃之聲中稍識鏗鏘于格外第慙衰老
方參露地白之禪雖有童奴誰識滿江紅之調有孤絕
唱徒感高懷

福清薛知縣

投竿野叟浪家瀼溪之濱製錦主人風格薛華之老情
加弧矢曲度宮商共惟某官清名獨鶴之標廉取雙鳧
之舄雨露司存之輿可但荷囊香煙消息之傳先聞箕
筆行驂鸞鳳猶顧蟾蜍紅心好手之才不妨戲詠赤脚
無齒之婢誰識新腔

新潮州林通判

滄浪一釣舟誰念笭箬之叟別駕半刺史未忘金石之
交惠日色絲華其蓬矢恭惟某官袖中風月筆下煙雲
難弟難兄遙想日吟之富舊雨今雨不為秋述之交拜
手新腔彌襟厚感門前幾客官為湯餅而來林下一人
甚愧華箋之及

同安林縣丞

擊竹枯禪誰問蒲團之老哦松好友偶因草檄而來白
髮舊情青燈共醉共惟某官在人賢者負余丞哉謂我
籍紙尾而書真堪一笑汝了詞頭而斥相顧所兩窮昔
焉嘗共于藿鹽今也何嫌于湯餅八家家百畝之井素
託善鄰十章章四句之詩彌欽盛意

福清陳主簿詠僕膚鼎

放鶴山人嘆垂弧之老矣棲鸞高士指古膚而賦之運
筆思工開緘喜溢伏惟某官廣寒有約矮屋暫留未忘
先世之交欲作忘年之友謂彌明石鼎且勇索于倡酬
元結窪尊亦自銘而誇許矧是名齋之器何妨託物之
吟美其燥濕以不移侈以壽熾而見頌薦君清廟期為
瑚璉之珍老我空村何足斗筲之箕

福清趙縣尉

僕游鷗渚方思同谷之歌君立雞灘獨有倚樓之思乃
為初揆特度新腔伏惟某官折桂 科訪梅吏隱千詩
百賦退之曾許于專場三字六公賀老尤 于樂府情
知好我語欲驚人青藜蓑衣愧方尋于溪友紅牙拍板
寧復有于雪兒

劉正奏應旗

老憶垂弧之志薄，侶秋光騷吟古。虜之詩華予歲晏，雅
知情重誰詣交。窮伏惟某人，讀西京太乙之書冠南皮。
七子之譽名香淡，墨賦已壓于鄒枚。諫字炳丹策，將陳
于晁董義深。綈戀紫錫錦題第，慙磯畔之笞箠。曷稱毫
端之黼黻，龜山景仁之宣哲。擬既非倫，元祐淳熙之舍
人寧有此夢。雖剝絨而愧矣，聊擊缶以歌之。鵲立門外
之袍，竚聽金胥之傳漏。龍動硯中之影，即聆玉陸之呼
名。

新衡陽趙主簿

昨嘗交訊擬一謝，以尚遲茲辱貽箋。有七言之雅詠，記
存初度訪問窮。檐念冰翁之游從，未忘疇曩出風人之
以興。特示殷懃爛然盡蠟名香侈矣，書禽醞擇其宜而
下拜感此意，以難名有美棲鸞之仲措。詞佳甚，相與鷗
盟之侶，拍手歌之。

劉達卿號後坡

僕為茅隱誰下問，于懸弧人正槐。忙知高情之投筆，此
秋月華星之賜非。去今日之同伏，惟某人早如鷗鷺之

橫秋却笑鷗鵬之擊水摩空作賦恥誇义手之工入海
留詩苦欲掉頭而去交情仍在厚誼可量為我品題及
三文之墜緒如君趣操宜千載以相期

石塘林子真

三徑交窮皆樵父芸童之侶小山吟富有梅兄樊弟之
賢眷此衰慵歌以比興伏惟某人慕華陽仙之真逸為
老泉氏之長公毛羣爭掉於時笑人炙手蟻戰方酣之
日為我撚髭得此十章起而再拜八月棗十月稻未辦
公堂之醜今年花去年人且飲君家之酒

石塘林子常

蓮葉舟操老我興思于濠叟梅花帖好少公吟妙于郢
人笑指垂弧酣歌擊缶伏惟某人交親猿鶴才度驂騑
進士雖不學而能何足浼我曲子豈可縛而往不靳予
人一闕見貽兼金莫敵少陵飽飯但歌殘年長相見之
詩白老坐吟剩有陽春高難和之愧

劉智翁

城東佳處誰尋白傅之家門外交情兄異翟公之客念
其寂寂示以拳拳七字論工真半山之絕句三文得友

勝子美之殘年

鄭

伏承華箋特賁初度吟散人之漁具世已相遺設廷尉
之雀羅客有不去尚德哉若人也為詩者知道乎秋月
兩章信獨工于鍛鍊陽春寡和愧難謝于瓊瑤

劉子木

來日大難重有縣弧之感徒友益散僅存割席之交好
我情殷令人愁破碧雲暮合何佳人之不來白雪調高
嘆郢客之難和

劉士仰學稼劉之亭名

判花老子視羅雀以知慚學稼故人指紱麟而過譽垂
情八十老拜手十二詩湯餅薄持愧莫延于佳客濁醪
妙理笑自酌之衰翁

回劉府教請講易

室祀三文齋延諸友高賢屈賁正期講道以吟風下問
何謙若俾抗顏于吠雪袖華箋特枉顧指坐危許劇談
揆此空疎間此歉忤峩冠昔日已見笑于竅言迂學衰
年豈足污于清聽知非所據愧不得當在俗談經子厚

虞齋續集

十七

十五卷

猶且撤虎皮而去登堂論易充宗豈無折鹿角之羞

賀余制參己巳

紀節椿齡秩筵蘭養調冰嚼雪一翁如立于翠蓬橫卷
弄琴雙鳳爭迎於紫帽喬梓共官游之至樂縉紳傳佳
話以夸 某幸叨倚玉之榮遙致稱觴之慶鳴鸞何處
列樽俎之佳賓舐犢有懷過茶湯之癡女輒效微芹之
貢竚需名節之來

回余制參

僕守黃冠破薇花之殘夢公游紫帽記蓬矢于今辰眷
眷高情班班腆賜曷稱貽箋之意於昭倚玉之榮却之
匪恭擇所宜拜錦鯨還客庶揆禮以少安駟騎造朝當
望塵而言謝

賀徐帥開藩

明叔

璽書趣上金篆啟封戎壘晶輝元帥擁油幢之重藩條
簡當老農扶藜杖而觀九扈月升八城雷動某老甘岑
寂喜入照臨禮盍貢于慶忱威忽傳于先令不敢過呼
一字恐書吏之却回所期席映萬間幸故人之貽念深
慙簡倪竊冀矜融

賀吳制使革

疇咨紫橐雄建碧幢文昌六星光夙騰于魁 長江千里身獨護于風寒勝勢益張真儒無敵共惟恕齋先生兩朝重望一代宗工試長才於藩宣撫御之勞於中於外據素學於論思獻納之從有德有言屬時遠圖付我留鑰國之籓籬門戶坐制其全王之勳纛旌旗所分者半方叔之猷克壯子儀之壘驟明渥照乾坤瞻寒夷虜竚究閩河之略即專帷幄之籌某辱眷素深聞命增躍自去歲貢箋題之謝莫嗣寸忱以殘年為游釣之游自甘遠屏跡雖踈于詞候情實切于皈依庭別賀裾自嘆去人遠矣功成歸袞尚能為公賦之

余制參招飲

寧馨壘慶屏攝告虔盛禮既成嘉筵斯秩重拜招呼之寵深慙謁賀之稽於粲洒掃而無伐木之遺具知雅眷不以微薄而廢采瓠之禮自揆醜顏

行祖聘方氏書

男為之室合兩家二姓之懽祖及其孫締三世一門之好固惟情誼信亦夤緣令姪孫女箴訓有嚴夙成于德

性長孫行祖簪裳是襲篤守于詩書已于少小之時有
是綢繆之約留紫薇之舊藁擬付此兒問紅線之老人
喜諧嘉耦

回黃亟請婚書

西掖陳人癡了子平之債東床得壻派由叔度而來二
姓之歡一言以定今似將仕慶傳簪笄書猶瑤於善和
而某季女誠守衿鞶訓粗閑于內則既辱問名之禮茲
承來聘之儀昔我祖曾門嘗託倫魁之契而君家明甫
亦有文字之交信自夙緣茲為永好

回郭通判婚書

同升同里知此志之素孚有子有孫偶其年之相若况
長者嘗語阿戎而喜則今焉宜有快壻之求問名既領
于綵箋涓吉重承于嘉聘論情可省執禮何勤已祇具
于回儀庸仰酬於至意兩家緣熟幸諧鳴鳳之占一旦
名成尚冀乘龍之早

竹溪盧齋十一藁續集卷十六

三山

林希逸著

門人石塘

林式之編

戊辰回生日啓

劉後村

老費招麾笑多生之宿業親無補報慙初度之嘉名高
情敢冀于宗工佳句特華于野叟此蓋某官聖時鳴鳳
學海老龍北門西掖之文藁傳萬首南窗東臯之詠口
授諸郎以遊戲之餘間示矜存之厚意兩章秋月喜擊

盧齋續集

一

十六卷

岳以長歌一朶紅雲佇安車而入對所期雅拜庶竭謝忱

余制參師魯

老子斑衣空記母前之樂山人朱紱正歆洛下之游塵埃誰省于蓬弧華纒特勤于葭玉謙貽珍染侈賜緡儀有慙樗櫟之姿曷稱松椿之頌聊為湯餅喜兒女之團藥佇輅朝軒盡親戚之情話率然稟謝幸甚原融

劉架閣強甫

樵風徑之陳人貧無湯餅金耀門之名客寵有錦箋拜手欣欣奪目粲粲伏惟某官傳後村翁之印乘半刺史之車父老攀轅正歌喧于霞嶼文書盈閣乃詔入于日畿念寂寞之蓬弧特殷勤而黼黻是為雅頌之亞也盍此夔鳴安得羊何共和之弟慚島瘦亟抒謝悃切幸深原

興教蕭教授

笠澤散人老守犁鋤之業芹宮博士記存弧矢之辰犀騎遠臨羅雀驚散伏惟某官學窮聖域身為人師五七字如彈丸工于鍛鍊八九椽居老衲辱此品題欽嘆高

膚齋續集

二

十六卷

情持誇鄰叟自念不神之斗牛寂寂笑人安得共和之
羊何蹲蹲舞我率然奉謝幸甚昭融

石塘林子真以九龍山命意

我非一佛夙慚花掖之居君賦九龍取譬雪山之老拊
殘年而易感拜妙語以增羞伏惟某人心雖樂以自修
名欲逃而不得刺史部刺史共騰噓送之章中書今中
書已上褒加之奏方需異寵猶念舊交黼黻蓬弧鏗鏘
律呂竒哉所作莊騷太史下同工顧此欲聞王母未生
前一句

石塘林子常

大方家之笑我老費招麾小孤山之故人多情繾綣記
存初度賁惠佳篇伏惟某人以一鄰之長才慕兩龔之
雅操鄙夷場屋笑傲林泉君鳴仲氏之箎何殊伯氏世
寶長公之集寧舍少公方騰當世之盛名猶念衰翁之
遜迹有客慚無湯餅愧此交情伊誰直得金蓮竒哉好
語愧云多矣還以奉之

劉達卿號後坡

前度表郎愧久收于朝迹後坡詩友愛尤篤于衰齡侈

以高吟華其初度伏惟某人鄙夷場屋笑傲林泉君唾
成珠素誇吟于汝伯僕腸無錦幾見殺于世人胡為膠
漆之投不忘弧矢之陋自念不忍之牛斗曷稱錦篇安
得共和之羊何徒知珍襲率然奉謝幸甚深原

福清薛宰

孤山和靖方耽放鶴之游王所居州已趣飛鳧之覲情
存膠漆問及蓬弧伏惟某官曾抱一和政紀三異裝懷
牒訴何嘗輟單父之琴學道絃歌又喜度相公之曲顧
慚絳老獲預堅民衰年榮崇爰之依每歲有錦箋之賜

先生庭戶誇示里閭秋月華星愧殷勤而好我明年今
日須展玩以懷人

薛宰劄

昨承答誨方佩謙隆茲被華緘益昭眷渥記陳人之初
度專盛使以遠臨侈賜緡儀先生茅宇瑞鶴仙之高妙
允叶宮商祝雞翁之酸寒豈堪黼黻已脩謝啓載瀝寸
忱莫究願言切丐寬亮

劉躔甫 心游劉之樓名

我歌庵小徒參水觀之禪君好樓居獨有天游之樂故

人恃重誕日書來伏惟某人苦學如甘愛詩成癖念五
窮之莫送賦十首以相貽開緘報然擊缶詠只聲名官
職知合受于折磨富貴子孫恐俱難于擘畫富貴子孫
堪擘畫最
難擘畫子孫
賢劉詩也

黃汀教龍應年八十七矣

僕誦子平之易自樂一貧公守伏生之書只爭三歲眷
眷兩鄉之二老鏗鏗初度之七言共惟某官經師人師
意散形散龜手之方竒秘久已韜藏蠅頭之字傾歌不
妨吟詠念其岑寂侈此賁存卜鄰雖慕于羊求所嗟遠
矣敵已愧非于元白何以和之

邱司理得一山邱之樓名

開三徑以鄰居託翁舊好得一山之友愛華我殘年揆
初度兮作是詩也伏惟某官稱梅讀富擢桂文工鍛鍊
功深畫吟家之三昧交游情重念散地之一寒欲黼黻
于縣弧出珠璣于衞袖勾牽花社青雲已暢于前涂題
寄草堂明年未知在何處將到選

同安林縣丞鐘

我慚視草分甘老于釣舟君厭哦松喜歸調于樂府多

虞齋續集

五

十六卷

情眷眷妙語鏗鏗伏惟某官學館文章之稱南州廉白
之譽探三文之脈絡同出一門擅二老之風流共居三
徑常時和卷初度佳篇聲韻高低知行雲可過舞歌凌
亂願明月之長圓

乙巳回生日啟

潮陽林通判式之

僕開蔣翊徑之三老尋鶴伴君刺昌黎州之半時寄雁
書念蓬矢之塵埃度瑰詞而黼黻伏惟某官興存風月
操比冰霜視公如龍雖鰐魚而可訓為玉市駿知騏驥
之難留身將致于青雲交未忘于舊雨飯猶可飽苟樂
我之殘年幣不必將已感君之厚意莫脩瓊報輒奉錦
還

福清葉知縣忠正

僕憶玄都觀裏曾為桃吟君來佛地位中乃通花譜喜
其負未問以垂弧共惟某官其仁滿腔于書具眼愛民
如子素存一念之慈許我納交殊勝十年之讀方相尋
于茅舍又招致以玳筵矧憐岑寂之餘尤侈鏗鉤之作
揆情過矣拜手歌之潦倒何堪私有勝國受廛之喜窮

通素定已見孩墮地之時言謝既稽不工可愧

前同安丞林通直鐘

門方羅雀伊誰籠鶴而來客有緋魚惠我紱麟之頌多情眷眷再拜章章伏惟某官出咄哦斯立之松歸愛淵明之菊嘆朱紱平生之負無羨于時賦黃絹外孫之詞欲華其友開緘喜甚擊缶歌之僕似香山笑一翁之憔悴君如子美成二老之風流率爾稟訓幸甚涵亮

新德化方簿晉

遺羹而我獨無方有穎封人之感讀書不如一詣正思習主簿之賢荷君多情惠我好語茲蓋某官家世麟臺之學丰姿蠅井之宣才名三十年夙稱師匹扶搖九萬里合快鵬程尚憐衰白之蹤肯借勾朱之筆作此詩也相期欲比于椿松何以報之自揆有慚于樗櫟

新建安徐山長

端衡

青雲舊事空五相一漁翁白詩

漁隱淒涼之士老愧飢吟龍飛魁亞之英名香次榜多情厚春初度增華敬惟某官文擅衆長學參諸老作乃祖釣磯公之賦何減吳融讀外家艾軒氏之書有如楊惲方將坐臯比而講乃官為蓬矢以吟君游紫陽之故

鄉自此升矣僕置青雲之舊事還以祝之言謝有稽不
工可愧

新永春劉尉肩吾

白首來歸空憶紫薇之伴青雲早達猶為黃綬之官落
落于時拳拳此老伏惟某官文成家數學有宗師更生
猷畝之忠已據對策禹錫文章之力合演綸言尚憐息
六韻之詩心慚好我亟茲敷謝幸甚昭融百千萬劫鄴
白詩
味之投特責蓬弧之陋百千萬劫之障老笑多魔二十
六韻之詩心慚好我亟茲敷謝幸甚昭融

新徽州邱知錄應甲

杜陵野客之家誰來剝啄退菴年兄之子酷喜推敲問
訊垂弧殷勤拍伏惟某官青雲望重舊雨情濃道來
不來正僕朱絲參軍之直所美非美乃貽黃絹幼婦之
詞拜手欽承過情自恥甚矣吾衰矣甘為白氏之漁翁
知之者好之有忝致光之曲子率然敷謝切幾原融

海口翁監鎮應星

翠浪玉虹鎮中亭名浩堂中書之弟

竹籬茅舍笑老我之無心翠浪玉虹知吟仙之得趣即
牙籌之餘暇為蓬矢以增華伏惟某官二難之譽俱高

少公之思尤老吟風弄月精微獨探于程書積雪熬波
橫寫更工于晉問莫甚相知之樂竭來俾壽之詞拜手
承之過情多矣永嘉四子君真得于詩靈元和一翁僕
有慙于才退曷訓雅意切幾深原

福清趙尉宗溥

我非指李之聃其生也晚君侶倚樓之趙所樂者吟咳
唾珠璣問訊弧矢伏惟某官稟雙龍之氣擅孤羸之才
以文自名讀書有傳東南一尉久得譽于閩中臺省諸
公爭欲致之門下竹集觚稜之鶚猶憐沙渚之鷗白雪

陽春深有慙于寡和青雲異日諒不至于相忘

石塘林子真同

山頭老漢談入吾宗谷口子真名為君字共耽禪隱不
厭衰殘伏惟某人傳文隱之珠得後村之印至道唯嫌
決擇精通向上之機正句不涉思維真得吟中之樂淒
其孤矢調以宮商一日百杯况有君家之酒十章四句
長歌好友之詞何感如之言謝淺矣

石塘林子常合

杜陵野客誰肯共于襟期蘇氏少公情有加于兄弟撰

予初度惠我好音伏惟某人曾著千年筆通三昧小山
小陸小謝比漢晉以來名家今年今夏今秋有秦黃而
上句法因暇時而游戲為晚節之光華雲南雲北之往
來僅存者我月蓬月山之期許先驗于君今年今夏今
秋月蓬月山
二相皆
詞中語

新平江吳江縣張主學松年建寧人

學士為漁守白石清泉之約可人寄雁自丹山碧水而
來問訊蓬弧輝華篇翰伏惟某官早馳文譽晚上奏篇
將尋花縣諸生坐虎皮而講猶念竹溪遺老忍龍具之
寒不靳殷勤特相煖熱七言八句知獨行于苦吟三揖
五窮相與歌而拍手

劉躔甫翼號心游

孩兒墮地已知分劑之嚴稚子候門自喜歸來之久心
游高誼意愛衰蹤伏惟某人學有所傳吟得其趣讀武
成二三冊雖少必精錄唐人五七言既多不厭功已成
于四鍊惠乃及于左弧老不相忘獨名家之翁季少嘗
共學實異姓之弟兄慚此多情何以言謝

劉士仰更建

孩兒分劑定于墜地之時賓客交情陋矣署門之見多
慚親故獨為吟哦伏惟某人霽月曾懷薄雲襟誼譜牒
自建威而下猶有遺風祖父得樂軒之傳常如一日久
篤葭草之好不遺弧矢之辰老子形骸敢羨椿松之祝
君家翁季信為金石之交

劉達卿求志自號後坡

前朝學士老甘退以為漁後坡故人詞獨工于吐鳳揆
予初度惠我好音伏惟某人才度驂騑之前聲橫鷗鷺
而上少陵三賦信妙手之優為晦翁四書猶究心于未
竟常年此日念念不忘秋月華星字字俱到多情若此
一感云何語我兒孫宜襲藏而無斁如君翁季尚遠大
以相期率爾奉訓幸甚加亮

黃掌祠

君過允文先生之後

三徑就荒之老與世無緣羣經辨惑之家有人好我肯
貽善頌來畀衰齡伏惟某人學得親傳文宜世用謂乃
祖有春秋之學竊嘗窺斑訪鄙夫于泉石之間相逢握
手納交自此拜賜以之門左垂弧有愧過情之曲子溪
干守釣何由上謁于涓人莫究謝忱切祈深亮

虞齋續集

十一

十六卷

林強父麟

白髮簪簪之老即唐漁翁青衿筆硯之交皆周髻士為
吾同姓祈我高年伏惟某人獨工于文所好者古畫毫
端之巧可但原夫一兩聯厭紙上之聞欲從某也二三
子因佳句法如何之問有殘年長相見之情可觀可興
可羣詩差難而詞易俾熾俾昌俾壽事雖熟而語佳廣
而充之用不窮矣 俾熾俾昌俾壽來詞結語

方持叟 名德化簿之子

僕解朝衣稱前進士君傳家學似小東坡不以老而見
踈為此詩以相好伏惟某人擅場才俊跨竈譽高聖處
自知可但一兩聯之消息班頭獨拜佇看三千字之縱
橫以其納交翁季之間乃有俾我期頤之祝愛兄曲子
堪為時輩之秦黃愧我釣翁惜不早師于邠鄭

方帝臣 時舉次云正字之後

僕友漁磯之叟方葺簑衣君祖麟臺之賢獨傳書卷揆
予初度惠我好音伏惟某人富以才名篤于交舊謂鵬
鳩相笑何大年小年之交云使牛斗能神豈善名惡名
之無別衆方嗤謂我為褒揚二滿三平不妨老吾之老

十章四句所謂詩人之詩何以奉誦切幾加亮

劉智翁貴活安溪之客

茅舍玉堂衆笑無心之老藍溪琴室多情握手之交問
訊垂弧沉吟擊節伏惟某人潛心者理得趣于書大年
小年讀南華而縱論昨日今日呼太白以欲飛愛此衰
翁寄之曲子君多好語信有似于天生我不中書乃浪
云于物出自自知不稱欲謝伊何

礪山照老

佛有二三之衆邇日何如仙開七七之花吾年相若多

情禪友問訊陽人茲蓋某僧久坐蒲團屢拋杓柄七言
雖妙不入半山之宗五葉相傳獨得少林之髓心心相
侶歲歲如然曹為分派後五家許儂參遍父母未生前
一句為我道來

賀陳倉

績最錄屏恩榮司庾日邊遣使九重所急者周咨境上
爭公七聚共嗟于來晚車音至只輿誦欣然共惟某官
一代名流兩朝異眷明道伊川之學問共得其傳司馬
景仁之弟兄不同者姓自登朝黼編歷儒紳是姑為本

膚齋續集

十三

十六卷

色之官便合峻緊頭之武青綾夜直方膺賜筆之榮皂
蓋春生雅意凝香之樂惟時歛散屬意選擢需章屢上
以苦辭崔詔幾盼而勉就丹山碧水暫誇刺史之勝遊
黃閣紫樞竚續公家之補處某向竊窺于綸綍今幸託
于幘幪迹安猿鶴之交心懷燕雀之賀何蕃于六館况
忝諸生笑香山之一翁尚憐遺老

回徐帥送開藩折送及菊節

為農負耒方依南國之碧幢遣使遺緘官問東籬之黃
菊有華異眷猥及寒蹤憐其賒酒之貧侈此卷俎之賜
秩初筵而僊舞莫預衆歡倩傍人以整冠但知亟拜難
名磯感切丐監融

竹溪膚齋十一藁續集卷十六

膚齋續集

十四

十六卷

竹溪盧齋十一藁續集卷十七

三山

林希逸著

門人石塘

林式之編

省題詩

文字飲

我問揚雄字君評李嶠文劇談聊詡詡對酒盡醺醺筆
落三千首杯浮一百分醉吟唐學士酒頌晉參軍良夜
邀明月他年憶暮雲獨醒悲怨託湘君

食見堯于羹

盧齋續集

一

十七卷

隱几看堯典身慙不並生道如知所味食亦見于羹飽
學寧求飽精思不厭精垂衣雖已遠失筋恍然驚端坐
如吁咈忘機在服行鹽梅思致主說不愧阿衡

枯木半龍鱗

枯木竒如許空山閱幾春千尋依鳥道一半是龍鱗
磬真如石扶持果有神雪猶留敗甲雲不露全身藤比
髯尤老根疑爪欲伸竚看雷雨夜一躍到天津

弔青塚

誰弔千年塚芳魂喚不醒雪連沙外白春帶塞南青一

酌嗟何及重泉恨莫扃花曾辭漢苑草不侶胡庭妾死
匈奴在風悲壯士經遙憐斑竹淚鼓瑟和湘靈

野菜飛黃蝶

古竹踈籬畔無人菜自長雙飛蝴蝶好一樣野花黃簇
簇青無數翩翩意欲狂色鮮凝曉露翅薄弄朝陽正擬
和根拔因憐戀葉忙今宵須夢化隨逐過山牆

刻燭

玉筍班頭客文章絕代竒奉璋陪內宴刻燭賦新詩指
認紅蓮影安排麗藻辭絕嫌痕已迫只恐句來遲花燼

將殘處宮袍欲奪時寵榮歸佩晚金炬出天墀

高議排金門

立箇黃金馬君王第幾門伊人來草莽高議動乾坤勁
氣層雲上孤忠一縷存未通青瑣籍先獻白衣言只為
豺狼怒那知虎豹尊客星如入兆昨夜在天昏

潮回日射星

有底平沙上輝輝不暫停潮回陰未夕日射燦如星落
水歸何處斜陽照遠汀浮光看閃閃散地見熒熒擬泛
槎尋石知非草化螢晚來河漢白漁火滿滄溟

離憂忽浩然

只有片時留離觴肯計籌知其因底別使我浩然憂握
手看成夢多情種得愁征帆天共遠羈旅水俱流明日
非今日杭州定越州慙慙無別祝切莫斷書郵

星有好雨

視夜幾回興濃雲潑未停無端常苦雨作好果何星有
爛參之佐左于嗟月又經何心長霖霖拜手問蒼冥咨
暑能無怨呼天孰與聽或云旗伐動陰曠為兵刑

至朔同日

至乃陽生節常居子月中計年章在即是日朔應同一
葉階莫長飛灰嶰管通元來初吉旦恰是六陰終料得
雲書際還嗟餽禮隆如何太初歷辛巳謾求工

竹林七賢

賞靜偏怜竹宜人沉有林七賢同遠趣千載有餘音避
俗來深處披衣卧綠陰玉人三四輩風籟短長吟翠入
劉伶酒聲隨叔夜琴溪干唐六逸先後許論心

一字買堪貧

獨妙如椽手誇傳品入神千金猶莫買一字實堪貧玉
柱多誰得銀鈎少自珍願求三折筆寧作屢空人但喜
蕭齋玩寧憂范甑塵療飢那欲煮吟苦謾酸辛

山光悅鳥性

細大皆天性逍遙宇宙間山光非為鳥鳥悅自因山曉
日浮青嶂春雲影翠環物情如有識樂意自相關疎密
陰俱好飛鳴態自閑夕陽歸處急應是倦知還

呼兒問煮魚

有客過茅宇停盃待煮魚向兒呼不已為我問何如驥
子樞衣至鮫人受手初叮嚀允再四烹割勿躊躇正起

羹鱸興因看遺鯉書團藥陪父執更欲採園蔬

白鳥去邊明

燕外絲方捲明開若箇邊癡雲留片片白鳥去翩翩
雨後霜毛濕風前雪翅鮮雙飛向何處一半是晴天乍息
鳩鳴堙還 鶴避煙須火陰霽盡鳥遠月娟娟

松子僧前落

野迴無人迹長松不記年隨風飄子下竟日落僧前葉
暗丹誰化根苦石共堅時敲經夾響匹侶數珠圓味美
忘齋久聲輕入定便時看童行戲爭把柳條穿

月靜庾公樓

明月今宵好曾經照庾公登樓當靜夜懷古對秋風飛
鏡緣空上危簷映水中胡床無恙否岸幘為誰雄老子
今何在寒光昔亦同清談孤此景白髮向江東

星垂平野濶

良夜空如洗凭欄一望平星垂因野濶野淨見星明點
點光疑墜熒熒勢半傾天低連岸遠地盡見參橫水迴
過時白雲收徹夜清銀河今咫尺我欲泛槎行

風破寒江遲

倚棹吟將息江神聽亦癡陰猶凝未散風欲破應遲颯
颯聲雖急冥冥霧莫披凌波疑有物到晚尚貧詩空使
蜚廉怒翻令帝子悲沉湘人在否喚起賦椒籬

剪燭話巴雨

不負西窗約相逢剪燭花驚心如一夢對雨話三巴蠟
燼愁頻落闕雲嘆舊遮昔曾留劍外今却指天涯江遠
談何劇風搖影屢斜從今須昔別邀月醉流霞

飛星過水白

良夜步郊坰飛看過水星四垂青漠漠一點自熒熒瑞
彩浮連渚流光渡蓼汀不應天共轉恍若月初經錯認
珠生蚌還疑草化螢須臾雲半黑漁火箇邊青

赤壁走曹操

往事思塵跡周郎走魏曹長江幾爭戰萬古一英雄亂
石吹飛雪蒙衝破巨濤笑談成一快姓字信孤高賸擬
投鞭渡誰知捲甲逃江山如昔日北望首空搔

拾穗許村童

拂拂新涼入家家獲稻同參差多滯穗收拾許村童滿
地禾頻落憐渠管尚空少多從汝得小大共年豐挈負

歸茅宇歡呼謝主翁晚來炊飯飽牛笛弄松風

石鼎聯句

漫浪有詩仙相逢藥竈邊鼎存嗟石古句巧似珠聯筆
力扛何健雲根斲許圓侶訓皆敵手摸寫聳吟肩何日
丹同舐寒更墨共妍和羹應待我賡載入虞絃

歸人爭渡喧

野外吹煙起沙邊帶日明歸村人合還問渡晚喧爭暝
色催行客長江阻去程帆輕斜照影語雜遠聞聲隔岸
招尤急栖鴉過亦鳴茅簷何處是兒女想相迎

月色不可掃

此夜一輪滿騷情不柰秋月非人可掃人與月俱愁素
魄憑誰問寒光為底留擬隨風葉去還似雪花浮竹影
搖仍在波明散未收嫦娥如戲我移照讀書樓

天際識歸舟

日夕思天際悠悠半掩扉扁舟綠底急注目識君歸帆
外殘鴉去雲邊一葉飛立須蘭棹至細認橈碇非僂指
思江路牽兒上釣磯入門相勞問賒酒趁鱸肥

飲酒拜浪婆

對飲敲銅斗聲聲應浩歌頻斟江上酒亟拜浪中婆深
淺傾浮蟻低回舞短蓑白頭高似屋素鞵想凌波江遠
如神在杯長柰我何却憐獨醒客憔悴賦湘娥

鶴引洗衣僧

獨捲袈裟去禪房半掩扉僧行隨鶴影鶴引洗僧衣振
翼尋仙路牽裳上釣磯老緇輕濯濯白鳥亦依依澣滌
元無垢叮嚀莫浪飛茶烟休更避相伴月中歸

新詩改自吟

酷愛驚人語詩壇獨苦心吟成還自改改罷又長吟四
鍊傳誰法雙聲豈古音筆塗隨句定髭捩用功深過眼
疵難掩支頤吻欲噤身輕少陵集商確到于今

秋水清無底

倚杖臨秋水微茫一派平極深不知底獨照有餘清一
色兼天淨千尋似鑑明誰能水下語為探地中行月動
無移石雲飛落止泓滄浪佳興動可以濯吾纓

山鳥暮過庭

試拄看山笏新詩得自哦空庭人不到日暮鳥時過遠
岫呼雛急斜陽接翅多瞥看窗外影爭認柳邊窠散帙

隨吾意喧簷柰汝何須與林鶻噪袞袞見金波

杓携龍角

帝幹璇杓處雲高隔幾重自天攜左角出地見青龍碧
漢方回柄蒼精恰露容舉頭看斗指驤首覺雲從西殊
揭殊春候東騎驗尾蹤韓門人所仰直欲折光宗

山村人暮歸

點點殘鴉過孤村帶落暉籬邊聞犬吠山下有人歸遠
岫連芳塢長林遠翠微雲深認茅屋風細颺征衣樵唱
同尋徑猿驚為扣扉夜深燈下兒女共依依

挂席上南斗

挂席幾千里飄飄向極南昂頭驚斗近舉袖與雲參海
濶天光入帆輕水影涵前瞻依宿六回望迫台三恰似
槎星渚應殊釣月潭若非吟膽壯高處亦難堪

翁踏孤舟立

江遠孤舟小悠悠避世翁望中留夕照立處倚秋風一
葉煙波釣千莖雪鬢蓬短衣難掩骭獨棹侶浮空人影
檣烏並生涯宿雁同得魚隨貫酒醉卧菰蘆中

同前

膚齋續集

一葉孤舟小生涯在釣筒羣飛看雁陣獨立是漁翁浪
與頭俱白顏因酒暫紅片帆煙渚外瘦影夕陽中蓬鬢
千莖雪蘆花兩岸風烹鱸吹荻火隔岸呼兒童

屋上烏亦好

我訪山家友遙看屋上烏不知何事好所愛與人俱竹
外參差瓦簷間八九雛只應交繾綣却喜汝喧呼誰賦
牙高啄因吟尾畢逋待令鷗可狎物我兩俱無

蘇武歸漢

杖節來歸漢麒麟萬古圖艱難曾使虜慷慨有臣蘇雁
傳信傳何有旄殘齧已無拜恩趨鳳闕揮涕憶龍湖日
月依新主風沙失故吾一官纔屬國攬卷為嗟吁

龍圖負馬

八卦將呈露天寧秘此圖出因龍馬負瑞與鳳麟殊八
尺非常種千年有此駒皇穹開易象綠字見珍符鳥跡
文非比龜疇數亦俱渥注何足詠誰復羨西都

不寢聽金鑰

不寢因何事囊封奏帝庭銅壺猶未歇金鑰故頻聽憂
國長無寐懷忠我獨醒魚關頻借問鳳闕想猶扃珂傘

依殘月觚稜帶曉星須臾看鵲立袖惹御爐香

鳥影渡寒塘

一段秋容好丹青欲畫難塘幽塵不到鳥渡影偏寒何處尋窠去行人瞥眼看雲間尋舊侶水底見飛翰鷗訝隨波沒鵬思擊水搏佳人遙望處誤指鏡中鸞

雲霄一羽毛

自起南陽卧軒然志氣飄三分嗟漢業一羽在雲霄健翮凌星漢孤忠翼聖朝羣雄爭逐鹿百鷲不如鵬垂翅應嗤異凌煙未許喬出師雖未戰萬古想高標

同心言如蘭

金石同心好言言可起予紉蘭應足比伐木義何如慷慨輸情久芬芳入室初諾能為一布佩不必三閤蕉緞能欺我松梅合反渠銜盃時對飲冷淡共園蔬

圍碁看驛書

驛騎軍書到風流相國知淮淝千載事實主一枰碁敵無手無遺筭名家有此兒我方分黑白渠亦決雄雌局外人人喜邊頭着着奇爛柯翁在否還笑世人癡

兒去看魚笥

兒去出茅廬攜筇遠見渠行隨谿溪畔鶴看取笥中魚
童穉喧呼至笈箬整頓初餌寒知不食曾少問何如穿
呼爺笑編蒲怪僕踈荻蘆吹火罷賒酒徧鄰居

賜鏡湖一曲

拜賜歸湖曲生涯只此湖三韓雲不遠一鏡月同孤天
語書黃誥波光照白鬚柴扉當雁鶩采地即菰蒲殿下
投箋乞波間弄漿娛不妨眠井底醉入八仙圖

玉斧脩成月

我問青天月如何缺又生冰輪看碾去玉斧想脩成晚
視柯誰執傳聞璞孰名元功無此巧素魄豈能盈兔向
圓時搗蟾因琢夜驚廣寒八萬戶技與女媧爭

杜宇呼名語

叫盡三巴月淒涼杜宇聲今人誰與語故土自呼名啼
血嗟何意前身恨未平轉喉曾有諱弄舌似猶生姓字
諸禽識君臣易世輕提壺無意緒醉魄謾飛鳴

漁村晚照

自得江湖趣生涯樂在漁孤村多晚景落照映荒居近
水高低岸誅茅八九廬舟橫人語近網漏夕陽踈倚棹

看歸雁呼兒從煮魚脫簑眠漸穩寒月動江虛

夫子牆數仞

劍佩隨夫子傾心一瓣香四科分等級數仞嘆宮牆我
正勞鑽仰人惟較短長可窺憐子貢欲倚愧蒙莊步步
矚吾後巍巍藐彼堂傳心因坐見三聖遠相望

勇士赴敵場

士有非常勇堂堂赴敵場聽琴何比象屬意在軒昂觸
手聲何怒推床興欲狂廣陵無散卒易水有剛腸劍客
休誇說桐君為發揚聞絃心有感解使懦夫強

晚涼看洗馬

倚杖試徜徉幽看野興長歸鴉凌薄晚洗馬就微涼落
日明蘋渚輕風拂柳塘遙觀千頃雪靜滌四蹄霜噴沫
隨流水搖驥流灑夕陽塵纓應可濯闊步逐飛黃

封比干墓

埋恨非埋骨生前怨不逢比干猶有墓周室合增封一
死身奚惜孤忠憤所鍾清朝加顯澤終古誌遺蹤寵辱
嗟何意興亡記所從誰甘遊地下攀檻敢嬰龍

雨後過畦潤

雨後思花信相過款杖藜翠明開曉嶂綠潤遍春畦燕
外絲方捲鷗邊霧高低貪看蔬長甲不覺履粘泥草挾
餘陰漲苗分秀色齊時逢原上客太平話耕犁

機舂潺湲力

機事嗟何巧空村不住舂潺湲因借力俯仰若為容盡
日勞雙杵疏泉隔幾峯無人長軋軋助我為淙淙灘下
僧長喜溪邊婦亦慵香廚炊已辦時倩野雲封

池水觀為政

筆落冰人語霜凝照夜姿平心長似水觀政可于池即
彼按藍處看渠据按時清能見肝胆燭可但鬚眉泥濁
廉何有泉貪飲自知笑他渾數尺誰道是吾師

水中有行車

野水云何涸咨嗟為久晴昔曾移艇去今見有車行已
石磷磷白流無脈脈生不愁濡轡渡只恐細魚驚寧復
滄洲興空餘野渡名秋霖看拍岸還聽棹歌聲

買木帶巢鳥

買木為新居詩翁德不孤巧當三畝宅帶得一巢鳥羞
澁無多費槎牙已半枯却憐棲鶻在還識主人無不入

山家券應添畫史圖從今屋上好來往聽相呼

月疑照顏色

苦憶君顏色歸期未有期好風吹夢斷明月使人疑對
影三人共懷賢萬里悲徘徊如欲舞恍惚與論詩蝶化
憑誰詰蟾留訝我癡暮雲樽酒在只恐見無時

買石得雲饒

自笑生涯拙天公意贈君買來千載石饒得四時雲禿
筆書新券蒼苔帶舊紋眼前長秀潤分外是氤氳定價
元非玉宜貧可當重時哉為雨去利與世均分

柳影不礙舟

長短堤邊柳波流影不流渾如低倚岸却不礙行舟水
漾千絲亂風吹一葉浮輕搖蘭槳過攪碎綠陰不似帶
牆頭燕如紫鏡裡鷗那堪南浦別明暗兩牽愁

榴花照眼明

惜花愁滿眼倚杖慶新晴綠幄連天暗紅榴照我明蹙
巾迎日吐剪錦亞風輕一見眼昏失多疑醉纈生撚鬚
詩欲就覲面興偏清却笑醅醅後看朱碧已成

龍躍天衢

頭角驚人世如龍乍躍淵身隨三月浪衢在九重天雲
起方成陸雷驅正急鞭戰鱗飛百萬怒爪擊三千赤水
神何照蒼精角有躔堪嗤時俗眼空向壁間傳

開冰

仲月鶯花半朝家已薦冰馳來金驪裏開此玉稜層冷
逼茅簷透光從凌室騰滿盤爭雪瑩照眼訝霜凝九廟
親祠舉羣工祿賜膺愛君推託諷履薄願兢兢

山有仙則名

試拄看山笏令人興洒然誇名驚俗眼知道有神仙勝
地棲丹客蒼崖比洞天烟霞無此輩方冊不應傳柯爛
今何處簫鳴若箇邊舊聞終縹緲何侶竹林賢

竹溪盧齋十一藁續集卷第十七

竹溪盧齋十一藁續集卷第十八

三山

林希逸著

門人石塘

林式之編

省題詩

為麥祈實

麥事家家作宸旒軫意微無虛民所望為實我先祈見
白欣輿誦煩黃屈袞衣要他春日飽莫使歛時稀餅餌
香深覬牲牲薦必肥禮成農共慶加額對龍旂

雲臺圖功臣

盧齋續集

一

十八卷

四七紛紜後慙懃帝念功于雲臺百尺依日漢羣公樓
爵侵霄漢揮毫萃畫工位分勲次第像列壁西東貌寫
丹青裏名垂竹帛中凌烟生面筆人物古今同

携手升玉階

甃玉成階祀天顏去幾層彈冠酬素願携手畫同升得
侶欣交臂伊誰恨折肱龍墀看密邇鷄武接飛騰已慶
天街肅行須揆路登朝回花底散袖滿御香凝

畎畝不忘君

君幸逢堯舜孤忠豈敢忘身雖居畎畝志亦在巖廊草
野棲身久釣天去夢長烟霞雖自樂日月願依光炙背
當如甫披裘莫學光此生名未立金馬進封囊

落日見漁樵

落日誰橫笛江村一望遙喧喧歸鳥雀得得見漁樵薄
暮舒愁眼斜暉帶遠潮依灘綸在手出谷斧橫腰歌罷
尋歸徑影行先度橋兩翁山水趣應未羨金貂

看碑不下驢

寺古碑猶在塵埃半已漫騎驢應懶下逐字細吟看鈎
畫雕鏤古蟲魚辨識難停鞭歌帽立緩轡聳肩寒應笑

脩明字還如援據鞍歸吟風掠耳影瘦夕陽殘

梅花疑是君

欲訪春消息寒花昨夜開思君如在眼使我亦疑梅蕊
冷人意窗開露粉腮欲同渠索笑還似子歸來蘭室
因香訝冰肌助我猜一枝聊寄興何日共持盃

身玉要俱捐

壯節將全趙威風直挫秦若令空授玉寧用復還此
璧瑕何有伊人氣愈嗔頭寧同碎柱節不可欺臣大義
千鈞重微軀一羽均後來誰慕蘭盛節獨嶙峋

清邊生戰場

已洗天河甲邊清國愈強誰生今日釁戰侶古沙場不
見狼烟久俄驚雁塞荒風悲苔染血月射骨如霜榆柳
依然好干戈有底忙李華真健筆弔古思淒涼

勒石紀漢德

班字韻

稽落功成後將軍勒石還輝華天子德姓字漢臣班篆
刻千年績鐫磨萬里山勳名沙幕外歲月永元間頌筆
嗟何古胡弓孰敢彎龍墀歸拜日稱壽動天顏

蒼隼護巢歸

蒼隼當秋日風高萬里飛
忽看孤影過因護舊巢歸
刷翮搏雲漢翻身度野扉
雛飢方唧唧爪立自依依
莫笑蜂窠小休嗤燕壘微
物情元等耳細大各天機

秋高風怒號

人意與秋高臨風意自豪
倚欄吟未已拔地怒方號
露宇遙窮目霜林見落毛
威生來虎谷聲震侶鯨濤
六鷁飛應返羣狐懼莫嗥
擬騎鵬翼去萬里訪盧敖

金買長門賦

誰買長門賦閨愁不自禁
寸腸杼萬恨一字直千金
菲薄聊為壽淒涼要寫心
珠簾春寂寂玉戶夜沉沉
語妙錢何惜宮閑恨轉深
文君因自笑我有白頭吟

雷隱象車音

不聽車音久逍遙獨倚臺
遠聞疑所象細認隱其雷
不怒聲初發遙聞妾自猜
輕移蓮步出空喜玉輿來
只謂君王顧因知神女推
千金誰買賦會使聖心回

許由洗耳

有道之君子箕山一許由
清波聊洗耳塵世肯回頭
此趣名千古奚心長九州
若令嬰世網何侶枕江流
俗事

喧誰聽寒泉響自幽鄰翁牽犢避使我轉增羞

川曲通諸海

直道行今古淵源妙莫窮百川雖若曲大海必皆通
酬酢幾千變周流共一中問津非斷港無水不歸東
洙泗源尤正河汾派亦同縱橫嗟末學濫說未為雄

李下不整冠

李下有傍觀嫌微擇所安莫將遮日手輕整切雲冠
故徑纍垂久荒林禮數寬杜陵羞任落貢禹喜休彈
主正操籌待吾寧岸幘看童却歡笑就地拾螯殘

瓜田不納履

莫道田間僻持身懼指瑕近瓜休納履為履侶侵瓜野
徑風隨屨陽陂雨落花藤方鋪滿地屨且曳歸家籬
賦長庚蔓鞋吟子美麻及門如有客倒屣只烹茶

精衛銜石填海

精衛誰家女悲鳴苦自憐石知銜不盡海有恨難填
妾久曾為帝禽言自訴天磷磷空爾啄渺渺浩無邊
志有愚公侶冤同杜宇傳揚塵終可待且伴羽衣仙

觀慶雲圖

伊昔承天慶人間有聖君圖傳何世本今見古時雲就
日曾謠詠非烟喜郁紛筆工疑顧陸治盛憶華勳簡冊
歌雖在丹青畫罕聞坎中元有象心畫妙義文

掬水月在手

水下元無月江澄別有天凝眸欣浩浩在手掬娟娟桂
魄方留影荷衣試弄泉正看波底樣俄入掌中圓太白
狂應攬知章醉欲眠我知光可汲便擬拍洪肩

弄花香滿衣

隔岸聞風處清晨嗅露房花因閑弄久衣有帶來香試
摘枝頭白還拈葉底黃恍如玉皇吏來自錦窠郎袖比
朝方罷心因惱欲狂謝安休掩鼻非佩紫羅囊

夢見周公

至聖元無夢傷麟有隱憂道傳自公旦意切為宗周泗
水遠方覺東山記昔留鴻飛歸不復蝶化恍同游洛卜
圖何在殷楹楹涕自收毫姑如可作料想訂春秋

四更山吐月

愁客眠難穩危欄忽四更乍疑山色改已吐月華明五
夜籌將轉孤輪缺未盈霜翻禽欲下雲破兔還生問曉

樵相語棲寒鵲自驚娥眉秋一半徹夕惱長庚

熱不息惡木陰

苦熱雖求息炎涼愧易心既云名惡木那復有佳陰煩
溽方三嘆婆婆有百尋匠皆行勿顧吾官據而吟冷憶
瓜浮玉清思竹碎金烏猶知所擇人豈馬牛襟

渴不飲盜泉水

盜有經行處波流惡莫湔同能澆我渴誓不飲渠泉奔
驥如追電長鯨擬吸川貪夫曾就酌饒者莫流涎竊玉
嚴于史空瓢碎自賢杜陵思賈井病肺卧江船

道不拾遺

世似江河去還聞返樸時久藏天下富不拾道中遺行
者歌如砥誰與嘆泣歧鋤金寧弗顧守劍烈能知楚國
亡弓在荆山抵玉嬉茅嗟薄俗屋破呼羣兒

望祀蓬萊

祀事非常典君王望紫蓬仗從天闕下山在水雲中采
藥何時返鳴鞘秩禮隆靈無先沛雨船有引回風夷見
蟠柴去仙難架海通札書終不驗空翠鎖祠宮

祖二疏

祖帳都門外賢哉昔二疏史留名不朽古善畫何如張
幕班離席歸裝問故居辭官兩賢傳送客幾華車帝眷
慇懃在臣慙老病餘重來甘降秩時為子房噓

濟河焚舟

汜濟焚舟去秦兵意若何深仇思必雪信誓有如河甲
卒方停棹將軍怒指戈連檣皆縱燎勁氣欲熒波拜賜
前言在論功一炬多至今臨岸處夢想髮皤皤

客星

久要劉文叔論交在闕庭不為渠相漢僅以客星名鶴
髮兼霜白羊裘近帝青宮中聊款款極下獨熒熒一點
今霄漢孤燈昔釣汀靈臺誇列宿詎肯共圖形

駐蹕山

萬里君王蹕雷驅鐵騎環移來雲下仗遠駐海東山飛
檄青邱外鳴鞘怪石間龍經占得耳禽語喜違顏侶勒
燕然去如封岱岳還鏡歌模寫徧何不續東蠻

乘月登樓

鐵騎圍何急登樓却自由一輪秋夜月百尺岳陽樓老
將憑欄怒嫦娥為我留功成長嘯後人在古城頭羽扇

榮差可胡床庾浪遊千年髯孰侶笛裏夢并州

飲馬長城窟

瘦馬如鳥渴長驅傍古城聽他隨窟飲不暇擇泉清沙
外追風驥榆邊積雨坑花鬃搖漢騎草血染秦兵地脈
年恨波腥萬鬣鳴思歸頻蹠躩首蒼滿宸京

雁足書

中郎沙漠外羝乳事何如賴有雲中雁能傳足上書銜蘆
來內苑繫帛自穹廬地說荒寒極人稍老病餘史徒誇
誇問犬詩莫詠烹魚青鳥仙家使吾今益信渠

無絃琴

道外元無器聊橫膝上琴本非絃可弄自覺趣尤深早
向聲前悟何勞指下尋昭文元不鼓鍾子謾知音蹟矣
鐘名啞傷哉磬有心退之如解此千操不應吟

為郎牧羊

卜式何為者清班粉省郎不騎沙苑馬只牧上林羊謾
詫窠名錦何如麝曳芒含香休向闕挾冊且隨臧列宿
從嗤我三星喜詠牂尚懷肥報國抗疏欲烹

登單于臺

天仗祁連外窮荒鳥雀呼登臺真帝子絕幕遁單于百
級雲中見千官帳下趨穹廬垂曠野警蹕近清都漢地
今無虜秦城枉避胡呼韓天日謁却入渭橋圖

又如穹廬罩
四野勤勤歌

蒲鞭

自古官刑在如何只用蒲賢哉知道者陋矣執鞭乎草
草存笞責拳拳愛體膚教非刑可比恥患免而無舜扑
書徒識秦敲慘自愚悲因撻黎庶適意與寬俱

被褐懷珠玉

懷寶伊誰識纍然被褐夫荆山寧泣玉滄海任遺珠寬
博形何散龍鍾智似愚藏淵祗自媚韞積宜求沽雅志
褰裳蹈旁觀按劍無我知韋布樂應不豔金朱

墮淚碑

叔子今何在風流緩帶時傷心因覩物墮淚遂名碑剝
落銀鈎古淒涼玉筋生前駭萬馬身後立雙螭人物
襄陽記莓苔太白詩螭頭剝落生莓苔羊公豈無德我
衍却堪悲淚亦不能為之墮

杏壇

虞齋續集

反袂傷麟後淒涼舊日壇尚為人愛惜不使杏彫殘葉
映緇林好枝橫泗水寒一從梁木去多把落花看自昔
崇思台于今木有韓遙知槐並並根古侶龍蟠

聞雞起舞

龍卧何時起生涯厭鼓鼙舞因隨獨鶴聞偶為荒雞楚
客長更夢秦關未曉啼竹風吹袂舉柳月傍樓低我醉
非無度渠寒不奈棲誰家小垂手百轉聽黃鸝

圍碁賭墅

太傅籌邊日家庭賭墅時淮淝千載事秦晉一番碁得

笑如翁妙爭先落子知汝能輸別業我已笑胡兒曇得
山先喜氏爭局自癡兩軍臨水處幼度着尤奇

西狩獲麟

西狩知何獲驚嗟徧國人自憐方嘆鳳何事又逢麟伊
昔追戎地于今較獵頻三家如此僭一角豈為珍筆絕
真傷魯書成已繫秦同時多虎輩誰信獸能仁

五言長城

老子風騷將雄豪霸一方五言如壁立萬里此長城氣
靡曹劉壘聲喧翰墨場但令投憤去誰詫撫鬚狂義筆

圖成陣韓文喻倚牆騷壇我擅誰敢犯鋒鏑

惜花春起早

苦惜花能好晴窗喚起頻只憂春去早却要早尋春一
片飛愁我千枝艷惱人鳴鞭思曉月花蝶逐香塵醉卧
狂誰子楚狂小子吟看睡太真每因風雨夜不寢為渠
顰韓退之

愛月夜眠遲

意愛多成癖清秋悵望時月能向人好夜不恨眠遲搵
藥何為者停盃屢問之貂裘蟾正戀鴛枕蝶休癡晝短
何須燭更寒且詠詩婆婆無影處料得夢相隨

登封泰山

海畔山名奉東封自昔曾三千餘載記七十二回登冕
輅陳金策衣冠迫玉繩秘書留歲月立視俯邱陵華蓋
行中阪松官立幾層祖龍空刻石千載笑冥升

碁聲花院閉

花院重重閉香風拂面輕游觀多野趣靜聽有碁聲松
老藏孤寺柯翁看幾枰反關從爛熳落子自敲鏗得着
僧應笑棲枝鵲又驚須臾聞剝啄收局出相迎

寒機曉猶織

機上誰家女更長睡不安當窗祇自織到曉不知寒霜
瓦疑威重冰絲續斷難梭聲隨漏盡妾意為衣單錦字
挑誰寄銀缸剔已殘姑留刀尺久零落待輸官

肅時雨若

肅肅存吾敬冥冥若有期人皆欣雨若心為有天知悃
切憂民志勤拳在廟時片雲催許急三祝果伊誰方寸
來何易吁嗟禮亦宜虛中求造化事應不須唯

鼠鬚筆

安得如椽筆晴窗弄鼠鬚知渠來某氏永某氏之鼠為我作
尖奴熏室搜羅盡精粗簡拔殊香沾窗下墨暉帶甕中
腴食肉非無相揮毫且共娛生斯恨汝莫把篆臨模

僧敲月下門

深院沉沉寂誰行下嶺均寺深明月照門閉老僧敲剝
啄林間寺嬋娟雲外梢山童破幽夢人影並踈茅殿冷
存餘篆窗明待解包山虛傳谷應驚鵲亦離巢

笛裏關山月

笛裏愁千緒更長憶故山今人吹古曲漢月照秦關霜

竹和聲切胡床倨坐閑一輪秋塞外萬嶂野雲間此夜
聽渠弄何時照我還回思帝城角花影映朝班

隔竹敲茶白

興入盧仝椀龍團旋解包忽聞茶臼響正隔竹窗敲活
水烹新茗香風度綠稍聽知童落杵驚起鵲離巢香比
雲英搗清無水厄嘲林深留客處未羨已公茅

門多長者車

窄窄柴門下多應隱士居時人皆障面長者競迂車羅
雀寧辭客牛舊有廬高軒詩李賀都騎賦相如痛飲

宜投轄何心更曳裾辛勤有此室鄙矣羨金魚

師直為壯

古有征無戰堂堂整六師直哉能用壯敵者欲何為道
在周如矢兵行漢有旗天威雷在上人喜雨如時敷德
苗歸舜于盟魯却夷淮淝知義勝算入謝安基

星陳天行

法駕誰模寫形容比太清星陳元肅肅天運自行行闔
闔開黃道璇璣映玉衡蓋明瞻帝近旗動認參橫移得
魁台下如聞警蹕鳴流光知遣使招我立通明

叫舜蒼梧雲

叫舜嗟何處梧江去路長天高星渺渺雲遠地蒼蒼我
欲排闥誰能訪帝鄉淚沾瀟水碧夢入瘴烟黃莫喚
湘娥問空憐老杜狂重華何可就騷筆更淒涼

山上有澤咸

彼澤卑而匯維山峻且巉上應無見有氣以感而成石
隱虛中竅春蒸潤下醜畫前分良兌象外識機絨野露
浮江柳溪雲到嶺杉箇中皆易理具眼要非凡

君王畫陣看

聖世憂邊切騷騷羽檄忙凱歌來幕府畫陣奏君王宸
陛千官慶軍書一卷長捲舒從御榻想像到沙場此日
丹青筆當時赤白囊會看麟閣上圖寫更輝煌

洗研魚吞墨

携硯臨流洗迎人戲小魚忘機知侶我吞墨喜看渠案
上研磨久池邊浣濯初墨翻波裏影素染腹中書水與
烟俱落香知餌不如誰能圖罩罩點筆滴蟾蜍

烹茶鶴避烟

隔竹敲茶臼禪房汲井烹山僧吹火急野鶴避烟行入

鼎龍團碎當窗蛭竅鳴紫雲飛不斷白鳥去邊明雲舍
飄猶濕風巢遠更驚通靈數椀後騎汝訪蓬瀛

敲雲問名氏

避喧誰氏子遠近不知名踏雨來相問敲雲忽自驚空
濛迷處所剝啄訪平生不是師嚴釣應須學尹耕深山
無戶籍虛谷答人聲野服徐迎客論文到月明

又

何意逃名氏祇緣避俗紛有人來隔嶺問我獨敲雲剝
啄聲雖急朦朧喚未聞嚴耕應侶子說築豈非君瞥去

鴉驚起誰來雅答云日高纔出戶對客却慙慙

灘聲起魚眼

酒醒聞敲雲呼童汲水烹龍頭琢山骨魚眼起灘聲活
水催泉急疑波與石爭鱗無游釜見日有比珠明車異
羊腸繞蠅啣蚓竅鳴磨刀誰氏子對此憶鱸羹

葉帶露痕書

拾得階前葉提携近玉蟬自呵冰凍筆猶帶露痕書秋
興題紅日霜寒墜綠初珠凝光細碎墨淡字稀踈滴硯
研朱易宜毫汗竹如更乾虔亦喜勒掃入僧廬

不下帶道存

身外元無道，樞衣樂聖門。
能因機以悟，不下帶而存身。
俯心何愧腰，垂手可捫步。
趨如有見，左右自逢原。
鞶錫殊三褫，紳書味數言。
垂魚何足羨，愈以訓兒孫。

竹溪盧齋十一藁續集卷第十八

竹溪盧齋十一藁續集卷第十九

三山

林希逸著

門人石塘

林式之編

挽詩

趙庸齋

金章雖貴豈公榮，一點孤忠百世名。
字字清吟如太白，篇篇奏疏似更生。
士緣氣類歸宗主，身為朝廷作重輕。
當世共傳書幾種，最初曾見易先成。

品題人物妙權衡，在日江湖有重名。
為國得賢八君子

盧齋續集

一

十九卷

登門執贄幾書生少游輦路心交久晚見南華口義成
欲序未酬詩卷在相知可獨是同庚

信菴趙少保

勲名已盛端嘉日身佩安危三十年自去鴻樞開督府
迄辭鵝閣老平泉早看養馬封侯將晚作騎鯨從月仙
縱道進賢冠最好不須盡此上凌烟
長淮當日事尤危孤壘身當數月圍揚子江頭如虎卧
平山堂下以羝歸二難千載為時出一戰三京與願違
賈恨伯符投鏡去追懷到老淚沾衣

百萬頻年戰虎貔神馳漠北到洮西空餘八陣江頭石
未見一九關上泥守父訓辭黃閣去負時名與紫巖齊
河山收此英靈氣下馬千年看墓題

出語無多動造微公于學問似生知客游槐府珍遺帖
世誦樗翁序近詩握手最先門下士傷心誰勒墓前碑
匆匆四十年間夢憶到廬江下榻時

趙虛齋

兩朝人物號耆英九折崎嶇亦飽經幾度拂衣心侶石
重來曳履髮如星爭名可是因文字轉臂堪嗟失典刑

何處藏山猶有史悲笳幽咽若為聽
奧學深功在易通御題褒句聖恩隆成書自講前無例
異論難齊久始公辭有所之端可據爰無不變論尤工
臯比定集諸仙聽獨惜丁寬道不通

恕齋洪尚書

定是仙從天目來少曾吟詠到襄淮才名詞伯班常伯
學問平齋授恕齋華蓋謾云鄰翰苑衮衣不許上瑤階
海山縱好歸何處嘆息人間事好乖

秀骨清姿玉雪同幾多星宿入心胸風流王謝談諧勝
家數常楊制詔工坐政事堂無六丈登文章錄侶三洪
年來人物蕭疎甚玉座東西欠此翁
伊昔宸京握手初橫經公未到三衢早班玉笋還先去
晚侍金華却共趨思老有餘知筆健病成應是為詩癯
峯摧太華嗟何及身遠無因奠束芻

陳節齋

諸賢名並端平見一老音存正始遺改紀重來時領袖
持荷獨立右尊彝心忘世易身難乞家著書多人少知
省闈纔辭留史館可憐便入八哀詩

國重穆陵蒐鉅典帝咨宿學進隆名那知幻境空花散
不待藏山史草成筆塚長存堪悵恨書棺何益謾哀榮
西山門第今無幾落盡殘星淚眼盈
早歲登門叨賞異暮年造闕喜追陪每從省戶供詞去
多向都曹誦句來逐客贈年今尚在癡兒別飲恰方回
湖邊握手如前日身隔千山嘆玉埋

李斛峰尚書

公摧端平第祥開日下雲乾坤鍾直氣星斗瑞斯文出
處關時運更嘗厭俗氛白頭需舊學何事斬吾君

又

論著千年計崎嶇二紀餘人多仇直疏公不羨除書曳
履歸何晚儀圖事竟虛早知天許嗇恨不守茅廬

又

當年期集所一榜上三人晚節唯公在交情獨我親楚
東分袂久溪上得書頻曾共茅簷宿因行部入閩

又

三領閩麾節名高德度寬苦尋鹽利病痛念郡凋殘擬
有回天奏相期對日看入朝孤此意聞者淚闌干

朔齋中書劉禮侍

聲名早日到宸幾自許凌空健翮飛朔黨家傳真抱負
西州人老幾招麾長庚窮殺狂如故

為傲則非

歲晚雖為香案吏白頭終與壯心違

再造功成始趣還又從薇省去長安登車屢作澄清使
持橐還須文字官子美八哀俄入此賀公二命只書棺
不知庾亮埋何處遙想悲笳淚雨潛

一識端平三十秋北關重別見南州紫薇閣下分房住
黃檗山前並轡游碧水詩來秋後得吳門書去病中投

交情不薄相期遠底料催歸記玉樓

趙大資無情先生 以下進悼作

先帝云公有相才經惟曳履久徘徊先調化瑟更絃去
却贊兵機杖節來祀典空聞陪五使宗臣不許位三台
白頭遺老孤忠在忽漫騎驄亦惜哉

當年玉座語尤親薦士雖多不語人天下短長才識盡
內中方寸紙來頻

用晏公事

僕窮分作米鹽吏公許宜為翰

墨臣回首搞文今夢斷長懷知己淚沾巾

公有奏冊分門薦士余為

豐儲翰官名
入詞翰門

虞齋續集

王大博特魁 宗合

蘭宮凡幾上直待晚成身臣對三千字君恩第一人談
經居未久岸幘請何頻風月分能幾空山骨已塵
以賦鳴雖早襟懷實似虛出彈齊士鉞歸讀樂軒書丹
桂攀殊苦黃梁梁夢不如在時同手足入念每沾衣

盧汀州號野涉

名落江湖歲月多白頭還止夢三刀曾藏千載心期遠
識盡諸賢眼力高慷慨當筵談抵掌淋漓滿壁醉揮毫
空山埋去泥銷骨何日人間見此豪

野涉南來岸幘時我方為椽久追隨爐熏柳葉同清話
酒嚼梅花几賦詩別後京華纔一見病餘山寺謾相期
壬子余自番歸公病方安約至黃蘗不果為公一慟今踰紀當日交游在者
誰

百七弟

我嗟孤日早汝亦守偏親愛甚于諸季年多似一輪家
家雖老去足身苦病來頻卜穴何時定傷心歷四春

黃倅 鈞

蹇驢驟乘驥鹽車有士如君具眼無唾手兩科名淡墨

禿頭半刺紆朱 筆無見夢花何有玉只 埋草已枯
搖膝向人吟不住追思如見重嗟吁
輩行交情似此稀舊遊追記每攢眉桐花古郡為僚日
落葉長安謁選時君去鳴琴曾別飲我期煨芋更論詩
誰知俯仰成今古儂指傷心二十暮

兩舅氏

吾舅雖潛德人間兩玉人眼高俱邁俗髮禿共娛親場
屋因緣薄詩書趣味新少公談頗勝伯氏奕尤神門外
相過少樽中自釀醇荆花同伴老竹葉滿懷春壽衰皆

踰七堂封亦與鄰贈車傷作夢華屋帳今顰甥老頭如
雪山空骨已塵前年松下酌語不盡酸辛

王倉華甫王實齋遂銘倉之父為孝友王家

王為溫陵法曹方蒙子功為理曹余為節推三人相與最厚

姓名早入文章籙姿性宜生孝友家視世故輕如棗葉
得時名重只皇華白楊何處傷心遠紫帽同游飲淚嗟
向老伊誰同此意獨餘一友在東嘉子功永嘉人

九江朱長卿信庵之客余同朝同舍也

精神滿腹氣英英早歲宜登要路津名是平原門下客

字同先漢蜀中人已趨文石班猶淺雖擁油幢志未伸
壯士不留強虜在交游相弔淚沾巾

江番相望兩年餘度度書未有壯圖安已彈箏思海道
武空鳴劍說伊吾公閑未久騎驃去我遠先慚倩雁無
宿草不知秋幾度衰何計真生芻

班行一見便歡然意氣相求似夙緣得古鼎彝多鑒定
常時樽俎每招延郊吟愈和曾成軸晉帖唐碑不計錢
見說舊藏今散盡傳家猶幸子孫賢以上並追悼作

陳所齋

胸涵萬卷筆如虹四海應無兩所翁身老官疑詢有鬼
眼高不許憲交公祇緣命薄非才薄信是文窮與學窮
班路重來終一簿予麾亦不到莆中在朝以足疾出

又

三文堂上墨猶鮮別幾何時哭此仙散髮弄舟思往日
捋髭覓句是前年理明俗學知翁少表慕瀧岡有子賢
人物如斯埋玉去病違執紼淚潸然

劉殿講大卿範

涉世風波惡收身歲月長再三持筴節八十侍華光邊

入籌如蔡民懷惠有裳兩朝凡幾奏書不與人亡

又

沒世臣卿少他年史筆公賜書宸訓在無愧是清忠

又

二紀中年廢清時晚歲收如斯封馬鬣謾爾跨鼇頭雅
度何人忤虛名世浪仇論交思少日文會飲榕樓

又

白首同收召追隨僅一冬公由卿出使我去掖為農上
節歸曾見携琴願莫從傷心湖水外石獸倚長松

陳判官介

師學親聞正始音半生為母欲投簪游環碧水成名去
為念珠曹得譽深賢比鄴侯家有傳達如康節病先吟
寧需郡幙辭臺幙到死知君鐵石心

陳府判司令童科

大科家世袞傳芳恨不崢嶸翰墨場空鬱壯圖纔半刺
合司帝籍便橫翔官稱僅似潯陽白慧疑如江夏黃曾
向掖垣開薦口眼看埋壁倍嗟傷

鄭令人

義江陳開
國內子

具眼翁求壻齊眉老耐貧年如絳甲子賢比鮑夫人守
誠居官舍持經識幻身親鄰恩意厚誰不淚沾巾

陳橘山

昔侍先師席西軒筆研同晚為蓮社客私號橘山翁已
分黃冠老猶為白髮卿登朝者舊俊聖有學光明盛德
兼和介高懷了死生柯山仙窟宅笙鶴定相迎

又

幾年漫仕貧故如故半世投閑樂遠讒無八九椽多借
宅得三百戶謾題衙初留蘭省交吟卷再見芝山送別

何日得尋埋玉處天南淒惻夢松杉

莆守汪宗博

凝香拮案幾何時事事傳來昔見稀生果神如包孝肅
死尤貧似尹翁歸誰食少為身害可恨才多與命違
見說滿城人慟哭交游那得不沾衣

又

襟義如公世所難南來一念十年間喜時文石如烏石
未到壺山住道山宿草故人訓願畢生芻有客弔喪還
清名雖在身何在技淡空嗟造物慳

來莆先至三山謁
越烏石尚書墓

吳理卿

風骨相期衆才名為底窮策雖高似董位却劣于洪內
景經誰授還丹訣自通仙班催底急吟此望方蓬

又

數畝園雖小齋居却有樓木奴居半許果子亦多收閑
日長跌坐晴時間出游自君之去矣遙望只增愁

鄭子誠

執經師席下於我是庚兄袖手塵中老灰心世上名枝
藜行竟日杯酒度平生終始交情在無人解索銘

又

住處雖鄰曲多慙寂寂居間能馳手帖時致以肩輿我
嘆年相若君衰日漸踈人間夢先破周蝶果何如

劉夫人趙必登母

淑德生全美深閨禮自防訓嚴今孟母誓苦昔共姜科
欲傳三世兒令學四方樓鸞吾所愛千里索銘章

又

獨力持家老真如烈丈夫齋明供蘊藻服飾厭金珠甲
子祇餘六鸞雌嘆久孤悲筵講山路寒日澹霜蕪

莊丞內子

多門嬪貴族何事喜摩訶清比顧家婦達如凌行婆再
來鄰曲媪獨見女中豪委化雖云樂潘郎鬢奈何銘云鄰媪
見夢而生

死自知歸處生能孝養親真堪石烈婦豈不勝癡人新
卜金沙窀穸埋玉雪身佳銘求篆石慘筆為酸辛

鄭仲升追悼作

西軒同舍日開爽莫如君健筆疑海筆方巾似艾巾壯
年嗟斗粟老日味羹芹鄰里交游盡傷心宿草墳

林甲父曹

我有宗傳未付衣喜渠歲晚共吾伊云胡丹旆鳴笳去
不見青衿問易時生靈運前何太速為文介後重堪悲
犀斜宰木今誰主飲淚看君乳下兒

邱司理母同年升內子

三十年葵未易禁信看纜爾遽泔泔斷機有訓名花帖
埋璧無慙見藁砧剪髮為珪供客饌却蚶令促職官箴
年兄事狀夫人誌歲月追思淚滿襟

李提舉丑父

榮塗久歷似羊腸
蓬省歸來髮欲黃
麟筆正煩朱邸客
駟絲還要錦窠郎
觀魚濠上歸思切
吟雁峰前遺愛長
金鳳賡酬知樂甚
玉樓誰召去何忙

陳提舉煒

三為一疏鳳鳴陽
去國投閑兩鬢霜
早有重名居豸府
晚因同姓誤君王
恰還使事逢新政
已峻卿班入太常
止尼不知何物祟
清時竟失魯靈光
嶺海清聲玉雪如
門庭尤峻是閑居
吹噓昔日班揚賦
受用餘年老易書
亭列百間多築圃
舟移數里自穿渠

春來紅紫應岑寂
花外無因見小車
別無久近不相忘
見面雖踈意味長
向摧梁初馳唁疏
已埋玉後送銘章
我慚臨穴書黃鳥
兒報移阡識白羊
絮酒何時澆宿草
些成三賦淚沾裳

趙通判

世守祇儒術才優
奏最頻官終半刺
史孝事兩家親
長葛碑仍在甘棠
愛尚新趙公
陂上下遙想泣遺民
宰惠安築
波有記

碎劇更嘗久躋攀
鬢已皤題輿嗟命
嗇製錦得名多銘

好傳千載梁摧付一窠書丹慙鈍筆回惻甚于蘇
早歲聲喧翰墨場晚尋蘭芷到湖湘劉郎未得文章力
涪老空懷書傳香埋壁柰何從石街好字滋甚況琴亡
山房宿處成終訣悵憶交情四十霜

山長陳剛父初為雪川簿入倉總幕

名在江湖久青袍鬢已霜苦人師鑿齒蓮幕客君房甫
為思芹去還遭撼樹傷清朝公道厄埋骨竟淒涼

又

君本輕場屋何心第太常吟姿如島瘦直性以蕭剛已
恨嬋娟誤爭知禪化忙功名雖有命詩在莫俱亡

林宗院母

鶴髮賢哉母冰清又玉溫早同夫儻隱晚受子貽恩箕
筆營新竈銘文託後村登堂曾及拜吟望暗傷魂

立進衙內子

雞鶻同看去閨營不少須幼癡兒哭母死孝婦從姑牛
卧圖形好鸞棲鏡影孤藁砧銘石語悽寄挽郎歌

梁祕閣

江幙歸來喜晚簷門當小築侶山菴名于世見林間一

虞齋續集

十四

十九卷

爵以仁尊天下三早失偏慈已懶晚雖漫仕性難堪非
無憂愛閑成僻雷雨曾傳舊奏函

白頭姓字紫蓬仙三徑還公得樂全八九十翁健如虎
等閑一蛻妙于蟬何年重見風流樹此夜愁看月上弦
義合弔廬寒阻我須携斗酒到岡邊三月初八日築
當年握手向番湖歲晚交情不暫踈安樂窩中三度宿
往來溪上幾回書鳳游舊客凋零盡龍窟新阡悵望初
人物知公應不死有銘有誄果何如鳳游冶司堂名

趙侯母葛氏莆守

盛德高年百福全瑤池元是女中仙慈民束吏如侯少
為國生材嘆母賢絲服我更衰服去襦歌還與殫歌傳
民懷名父依依切苦恨夫人不少延

戴主簿溇鑣

榕樓飲日君豪甚豈料淒涼雪滿頭橫鶚幾回賓上國
棲鸞一老殯南州拜經傳業源流在作賦摩空取次休
詩卷舊人無十九簫笳何去暮雲愁

有子能賢知孝甚新磨銘石以貧遲為君更作招魂些
此士無慚有道碑身老夢思埋玉處客游憶到共燈時

虞齋續集

十五

十九卷

家成好入遺文乞與他年 瑞芝

前住黃檗亮西山

疇昔西山元有亮師今名亮號西山初脩白業光時現
晚破玄關髮已斑綠熟不妨逢檗住意闌忽漫杖藜還
雁湖未久跣趺去汝蛻雖高我愴顏

黃侔內子

岸幘生同譽繙經老耐癯能賢兒似侃愛客母如珪有
弟銘崔姊何人傳鮑妻霜風吹旒去笳咽篠塘西

適軒黃革叟

翁昔南游日看君玉雪如晚憑居士几死守樂軒書聖
聖處吟應到原大技豈踈白頭心自適元不羨高車

又

閩譜雖華遠君子派得黃銘宜買石待詩豈入瓢藏憶
昔題吟藁傷今賦一章薌巒序葬處遙想暮笳長

挽潘守

詩書家世事公獨妙兵籌異質生三乳時名放一頭萬
山叢裏邑五嶺水邊州謾道登朝去功多恨未酬

又

庸蜀為脣齒雙江直下舟人知傳幹腹公識到源頭袖
入榻前疏籌深嶺外憂殷勤參近事字字比龜獸

又

鄉閭扶杖久早歲譽兵間雖信白頭叟能柔赤腳蠻人
言勞不報公有道能閑似是英雄骨埋名向此山

又

文武憂才盡斯人為底窮威聲傳境外袖手老閩中來
往二三客康寧九十翁及門曾一識銘筆媿難工

同年趙左藏時序

登名三十載岸幘去壺山乍入離珠府不留鳴玉班同
升君弱冠久別我衰顏及此吟哀些傷哉數太慳

又

客有南來者云君病本無信然身是夢俄爾我非吾甫
晚登山屐猶傾對月壺人生太危脆變幻止斯須

又

疇昔號宗英嶽峙恨莫平晚同耆用數早負榜中名握
手雖踈濶驚心隔死生白頭慈母在遙想若為情

挽後村五首

虞齋續集

十七

十九卷

九十非為壽天胡奪此翁兩朝名法從一世大宗工集
本家家有囊封字字忠老龍雖異寵堪嘆夢俄空

又

詞源泉萬斛筆欲挽天河詩比歐韓密文追漢晉多一
生名皎皎四入髮皤皤班不登書殿傷哉可奈何

又

古來皆有死身豈解千年縱使能仙去何如以集傳騎
鯨鳥石外下馬釣磯邊忍使斯文喪憑誰問老天

又

雲鬢登堂老論文四十年憶曾同宿處說到未生前精
妙無雙手賡誦共幾編耽禪生笑我去作海山仙

又

筋力衰難強傷心苦涕零篋多留尺素藥僅致空青傳
後吾何述生前已自銘帷堂纔一慟恨莫聽謳鈴

竹溪盧齋十一藁續集卷第十九

盧齋續集

六

十九卷

